



Broj: 02/B-50-18-1446-3/23  
Sarajevo, 24.08.2023. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PARLAMENTARNA SKUPŠTINA  
BOSNE I HERCEGOVINE  
DOM NARODA  
n/r gospodin Nikola Špirić

PRIMLJENO: 25-08-2023			
Organizaciona jedinica	Klasifikaciona oznaka	Redni broj	Broj prijloga
02-	50-6-	1841-	2/23

Na osnovu člana 9. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), dostavljam

### DELEGATSKA INICIJATIVU

Kojom se od Vijeća ministara Bosne i Hercegovine, a posebno od Ministarstva sigurnosti Bosne i Hercegovine, traži hitno pokretanje procedure za proširenje kapaciteta Agencije za školovanje i stručno usavršavanje kadrova AEPTM za minimalno 100 polaznika u roku od tri mjeseca od dana usvajanja ove inicijative.

#### Образложење:

Agencije za školovanje i stručno usavršavanje kadrova AEPTM osnovana je Zakonom o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine koji je u Parlamentarnoj skupštini Bosne i Hercegovine donesen 16.04.2008.godine i trenutno ima kapacitet za školovanje i stručno usavršavanje do 150 polaznika.

U Izvještaju o radu Granične policije Bosne i Hercegovine za 2022. godinu, broj:17-08-04-14-8653-32/21 od 09.03.2023. godine, navedeno je da je nepopunjeno 519 radnih mjesta policijskih službenika.

Na 5. sjednici Zajedničke komisije za odbranu i sigurnost Bosne i Hercegovine održanoj 21.08.2023. godine, direktor Granične policije je izvjestio komisiju da će do kraja ove godine 300 policijskih službenika steći uslove za penzionisanje, te da će uz već nedostajućih 519 policijskih službenika, ukupno nedostajati oko 900 policijskih službenika.

Obzirom da je trenutni kapacitet polaznika za školovanje i stručno usavršavanje do 150 polaznika, a da školovanje traje sedam (7) mjeseci, potrebne su tri i pol (3,5) godine da bi se izvršilo školovanje 900 novih polaznika, pod uslovom da u narednim godinama ne bude odlazaka policijskih službenika u penziju.

U Informaciji o stanju u oblasti migracija u Bosni i Hercegovini za prva tri mjeseca 2023. godine, broj:06-50-3157-6/23 od 10.07.2023. godine, – vidljiv je duplo veći priliv nelegalnih migranata u prva tri mjeseca 2023. godine u odnosu na isto razdoblje prethodne godine, od

čega je 93% slučajeva otkriveni izvan područja graničnih prijelaza, što predstavlja dodatni pritisak na Graničnu policiju Bosne i Hercegovine.

Shodno svemu navedenom, potrebno je što hitnije, a najkasnije u roku od tri mjeseca od dana usvajanja ove inicijative, pokrenuti sve potrebne procedure, kako bi se proširio kapacitet Agencije za školovanje i stručno usavršavanje kadrova za minimalno 100 polaznika, a sve kako bi se odškolovalo veći broj policijskih službenika i u što kraćem roku popunila radna mjesta policijskih službenika u Graničnoj policiji Bosne i Hercegovine.

Bržim popunjavanjem kapaciteta Granične policije Bosne i Hercegovine, steći će se uslovi za bolju sigurnost i kontrolu Državne granice Bosne i Hercegovine.

S poštovanjem,



DELEGAT  
Kemal Ademović